



Bulletin Mensál Governasaun Lokál

Volume I, Edisaun IX
Setembru 2008

Governo Lokál Xave ba Dezenvolvimentu

Asembleia Distritu Hatudu Abilidade hodi halo Jestaun Lokál

Asembleia Distritál Baucau foin finaliza sira nia ezbosu planu investimentu ba 2009 iha loron 18 Setembru 2009, ho desizaun atu inklui projetu neen (6) husi prosesu planeamentu 2008 ne'ebé to'ogora seidauk hetan fundus, no aumenta proposta haat (4) tan. Sorumutu ne'e hala'o iha salaun konferénsia Administrasaun Distritu



Membu Ezekutivu iha Asembleia Distritu Baucau debate kona-ba oinsá atu aloka orsamentu 2009 durante enkontru 18 Setembru 2009

Baucau hodi diskute no debate entre proposta total 26, hodi hili proposta saida maka iha prioridade aas liu, no ikus liu vota ba projetu 9 ne'ebé sira rekomenda atu hetan fundus husi alokasaun orsamentu Fundus Dezenvolvimentu Lokál iha 2009, no ida ne'ebé hetan fundus husi poupança 2008.

Desizaun ne'ebé sira hola kona-ba proposta saida maka sira sei rekomenda hodi hatama iha orsamentu 2009, no projetu saida maka sei hein to'og 2010, maka hanesan desizaun sira hola ho difikuldade. Proposta hotu ne'ebé hato'o maka mai husi konsultasaun ho comunidade, no refleta preokupasaun no nesiedade husi comunidade rasik.

Sr. Antonio Augusto Guterres nu'udar Sekretáriu Ezekutivu Asembleia Distritál Baucau esplika katak Asembleia presiza priorizata

projetu no rekomenda projetu balun de'it tanba proposta 26 hotu iha orsamentu barak liu rekursus ne'ebé Asemblei Distritál Baucau bele aloka. "Ha'u fiar katak orsamentu ba tinan 2009 sei la boot liu husi orsamentu 2008, tanba ne'e ita presiza rekomenda de'it projetu sira ne'ebé prioridade liu, atu nune'e bele korresponde ho orsamentu Tuir kalkulasaun funsionáriu tékniku sira osan ne'e bele to'og ba projetu 10 de'it tanba kustu ne'ebé boot," hateten Sr. Guterres depois sorumutu Asembleia.

Depois sorumutu, Membru asembleia balun hatudu sira nia laran haksolok tanba ezbosu planu 2009 bele pasa, maibé membru balun ladun hatudu sira nia laran haksolok tanba sira nia proposta seidauk bele hetan konsedeirasaun. Tuir Sr. José Pereira Vicente, hanesan parte husi ekipa observadór husi Ministério de Administração Estatal e Ordenamento do Território, objetivu husi enkontru ne'e la'ós atu haree ba projetu ne'ebé mak hetan fundus ka projetu ne'ebé maka lahetan, maibé importante liu maka membru Asembleia haree ba nesiedade povu nian no serbisu tuir regulamentu. "Hodi hetan rezultadu ne'ebé di'ak, la'ós katak proposta hotu pasa, maibé katak representante hili projetu iha area ka setor ne'ebé importante atu hala'o dezenvolvimentu iha Baucau, no bele halo desizaun tuir nesiedade distritu Baucau nian iha jerál," hatete Sr. Jose

Iha sorumutu loron rua asembleia distritál so ko'alia de'it sobre asuntu prioridade dezenvolvimentu ba orsamentu 2009. Parte seluk membru asembleia sira preokupa ho tempu udan ne'ebé besik ona, no sira husu atu projetu sira ne'ebé prosesu tenderizasaun tama iha orsamentu 2008 bele halo konstrusaun kompletu molok udan tan rai.

Sr. Antonio Augusto Guterres nu'udar Sekretáriu Ezekutivu Asembleia Distritál Baucau halo entrevista ho jornalista durante enkontru Asembleia Distritál Baucau



Distritu Baucau:

Projetu ne'ebé sai Prioridade ba Ezbosu Planu Investimentu 2009

Iha nivel sub-distritu maka hanesan:

- Instalasaun sistema bee-moos iha Lakuliu Quelecai
- Konstrusaun eskola primária Osso Gori Venilale
- Konstrusaun mini merkadu Lavateri Baguia
- Rehabilitasaun postu saúde Ostico Vemasse
- Poupança husi 2008: Konstrusaun lavandaria iha Bahu ne'ebé sei uza orsamentu restu husi 2008 nian

Projetu husi nivel distritu maka:

- Loke estrada ki'ik Uaibobo Venilale
- Rehabilitasaun estrada Triloka ba Lolibo Vemasse
- Rehabilitasaun estrada Laga ba Bileha iha Laga
- Konstrusaun eskola sekundária Baguia
- Konstrusaun eskola sekundária Vemasse



Desentralizasaun

Informasaun Badak

- 7-10 Outubru: Vizita Estuda husi Programma Desentralizasaun iha Laos
- Diskusaun proposta leis kona-ba governasaun lokál iha Conselho de Minsitros
- Kontinuasaun ezbosu no finaliza planu investimentu 2009
- 10 Outubru 2008: Lansamentu ba Website Ministerio

Dada-lia nu'udar Dalan atu Habelar Informasaun

Iha Distritu Baucau, loron 18 Setembru 2008, tuku 7:30 - Radio Komunidade Lian Mate Bian (RCLM) organiza programa Dada-lia ka Talk show ho tópicu Programa Dezenvolvimentu Lokál (PDL). Objetivu husi programa ne'e maka oinsá atu habelar informasaun ba komunidade kona-ba pilotu PDL, atu nune'e komunidade bele hatene no iha koñesimentu di'ak no sira bele kontribui maka'as liu tan iha prosesu dezenvolvimentu lokál.

Proposta dezenvolvimentu sei mai rasik husi komunidade iha nivel lokál, sei karik sira hetan informasaun no sira hatene sira nia funsaun ho di'ak. Wainhira hala'o dada-lia hamutuk ho radio lokál, bele ajuda jornalista lokál sira partisipa iha prosesu PDL, atu nune'e sira mós bele komprende lala'ok PDL oinsá, no bele enkouraja partisipasaun komunidade.

Antes Programa Dada-lia ne'e hahú, primeiru prepara lista ba narasumber ka oradór. Depois, jornalista no narasumber sira hanoin didi'ak hodi prepara-an ba programa. Sira prepara tuir pergunta hanesan ne'e:

- Ita nia alvu maka sé?
- Atu ko'alia kona-ba tópicu saida?
- Alvu ka rona nian iha kompriendesau kona-ba asuntu ne'e? Saida maka sira hatene ona kona-ba PDL? Saida maka sira la hatene?
- Saida maka sira hakarak hatene?



Reprezentante husi Assembleia Distritu Baucau iha Radio Komunidade Lian Mate Bian prepara atu hala'o Dada-lia

Presiza hanoin kona-ba objetivu iha programa ne'e hodi bele identifika ideas tolu ka haat ne'ebé sai pontu báziku ne'ebé ita hakarak fahe durante Dada-lia, ho ida ne'e atu ita bele kontrola ita nia oradór sira la bele ko'alia buat seluk ne'ebé laiha relasaun ho ita nia pergunta.

Objetivu importante husi dada-lia ne'ebé hala'o ne'e maka atu haklaru serbisu PDL ba públiku, no esplika didi'ak saida maka Assembleia halo hodi povu mós bele partisipa ho programa ne'e. Ita bele konsidera dada-lia ka talk show ne'e la'o di'ak sei karik informasaun sira ne'e los, klaru, ema bele komprende no iha pontu báziku ne'ebé ita nia rona na'in sira sei la haluha.

Iha Distritu Baucau, sira komesa halo prosesu ne'e ona. Atu la'o ba oin, sira sei kontinua fahe informasaun ba públiku atu nune'e Baucau tomak bele komprende saida maka knaar Assembleia no oinsá Assembleia bele ajuda iha prosesu dezenvolvimentu no lori nasaun ba oin.

Foto husi Ceremonia Tomada de Posse, 12 Setembru 2008



Iha loron 12 fulan Setembru, Sr. Ministro da Administração Estatal e Ordenamento do Território Arcângelo Leite hala'o Ceremonia Tomada de Posse iha salaun INAP iha Comoro, Dili. Durante cerimonia ne'e, diretores nain 6, chefe departamentu nain 25 no Administrador Distritu Oecusse simu kargu ho reponsabilidade boot. Durante Ceremonia ne'e, Sr. Ministro hato'o katak funsionáriu públiku tenke serbí povu ho imparcialidade hodi lori nasaun ba oin.

Governo Lokál Xave ba Dezenvolvimentu



Ministério da
Administração Estatal
e Ord. do Território

Rua Jacinto Candido
Dili, Timor-Leste
Tp: 3317207

E-mail:
comunicacao.maeot@gmail.com

Suporta hosi:
Programa Apoio Governasaun Lokál
no



Iha liman karuk, Sr. Ministro MAEOT Arcângelo Leite ho Sr. Diretor Nacional Função Pública Liborio Pereira durante loka cerimonia. Iha liman los, partisipantes hein hodi simu kargu ofisiál husi Sr. Ministro. Iha leten, partisipante asina buku. Marka prezensa iha enkontru inklui Sr. Secretario de Estado da Reforma Administrativa no Secretario de Estado de Regiao de Oecusse.

